

De radio 100,7
an d'Wochenzeitung worxx
présentieren





Quelle: State museum of political history of Russia

D'JOER, DAT D'WELT VERÄNNERT HËT

E Bléck zrëck – Table-Ronden, Radio-Gesprécher, Revolutions-Chronik

“C’est le capitalisme et son oppression qui ont croulé en Russie, et je félicite la démocratie russe d’avoir croulé le capitalisme comme j’espère que le capitalisme sera un jour croulé dans notre pays par le mouvement ouvrier de notre pays.”

Dat sinn dem Riets-Deputéierte Pierre Dupong seng Wierder de 24. Abrëll 1917 op der Chamber-Tribün. Mat der Odfankung vum Zar Nicolas II. fänkt a Russland e Prozess un, deen Europa an d'Welt sollt veränneren: déi russesch Revolutioun. D'Revolutiounsbewegung riicht sech géint brutal an ongerecht Regierungsmethoden, géint Krich, Honger an Exploitatioun; amplaz fuerdert si Grondrechter, eng Landreform a Regierung duerch d'Vollek. Wat bedeit dat fir Europa a fir Lëtzebuerg?

E gemeinsame Medie-Projet vun der Wochenzeitung worxx a vum radio 100,7 beliecht d'Konsequenze vun der Revolutioun.

PROGRAMM				
Datum	Emissioun		Thema	
Den Ufank vum Ëmbroch: d'Februar-Revolutioun				
18.3.	11:40	Virun 100 Joer	D'Februar-Revolutioun an der Lëtzebuurger Press	
19.3.	19:30	Land, Brout, Fridde	D'“Weltrevolutioun”: eng Hoffnung fir d'Lëtzebuurger Aarbechterschaft?	
Faszinatioun Kommunismus				
24.4.	19:00	Ëffentlech Table ronde	Land, Brout, Fridde? D'Bedeutung vun der Revolutioun fir Lëtzebuerg	
29.4.	11:40	Virun 100 Joer	Dobäi gewiescht: Lëtzebuurger a Russland	
1.5.	10:04	Land, Brout, Fridde	Radio-Diffusioun vun der Opnam vum 24.4.	
Kommunismus: eng Alternativ zur Sozialdemokratie?				
20.5.	11:40	Virun 100 Joer	Ufank vum westleche Kommunismus: d'Grënnung vun der USPD an Däitschland	
21.5.	19:30	Land, Brout, Fridde	Wat huet d'Opkomme vum Kommunismus fir d'Sozialdemokratie bedeit?	
Géint d'Exploitatioun: déi nei Roll vun der Gewerkschaftsbewegung				
17.6.	11:40	Virun 100 Joer	Éischte Massestreik zu Lëtzebuerg	
18.6.	19:30	Land, Brout, Fridde	Groussindustrie vs. Syndikalismus	
D'Stonn vum Pazifismus				
15.7.	11:40	Virun 100 Joer	D'Friddensresolutioun am däitsche Parlament	
16.7.	19:30	Land, Brout, Fridde	Lëtzebuerg an d'Entstoe vun der internationaler Friddensbewegung	
Herrschaft vum Vollek - awer wéi?				
21.10.	11:40	Virun 100 Joer	“Räte-System” oder klassesch Demokratie?	
22.10.	19:30	Land, Brout, Fridde	Ënnert dem Drock vun der Revolutioun? Den Ufank vun der parlamentareschen Aarbechte fir d'Lëtzebuurger Verfassungsreform	
Déi “Grouss Sozialistesche Oktober-Revolutioun”				
13.11.	19:00	Ëffentlech Table ronde	Reform vs. Revolutioun: d'politesch Parteien haut an d'Ierfschaft vun 1917	
18.11.	11:40	Virun 100 Joer	Victoire vum Kommunismus? D'Oktoberevolutioun an hir Auswierkungen	
19.11.	10:04	Land, Brout, Fridde	Radio-Diffusioun vun der Opnam vum 13.11.	
E Sozialismus ouni Grenzen?				
16.12.	11:40	Virun 100 Joer	D'Selbstbestëmmungsrecht vun de Völker: e Stréihallef fir Lëtzebuerg	
17.12.	19:30	Land, Brout, Fridde	Nationalismus, Internationalismus an déi Lëtzebuurger Gauche	

GESCHICHT

FRAEN AN GENDER

Vun der
Fraegeschicht
zur gender
history

Renée Wagener

Ronderëm den 8. Mäerz, dem internationale Fraendag, steet oft Geschicht vun der Fraenemanzipatioun am Virdergrond. Déi aner 364 Deeg am Joer bleift se och am 21. Joerhonnert oft nach ënnerbeliecht. Mee ass dës Perspektiv op d'Geschicht iwwerhaapt nach produktiv?

Kennt Dir den Numm vun der éischter Deputéierter am Lëtzebuurger Parlament? Oder déi vun der éischter Ministesch? Hutt Dir vun der Aarbechterin Margarethe Hey gehéiert, déi sech virun 100 Joer zu Lëtzebuerg fir d'Fraewalrecht staark gemaach huet? Wusst Dir, datt et an der Tëschekrichszäit eng Kéier eng reng Fraelëscht fir d'Gemengewale gouf? Oder datt bestuete Fraen eréischt an de Siwwenzegerjore vum leschte Joerhonnert gläich Rechter wéi hir Ehepartner kruten? Bis zum Enn vum leschte Joerhonnert ass een déi Saachen och nach net an de Schoulbicher gewuer ginn. Fraegeschicht wor keen Thema, so wéi och aner Domänen vun der Sozialgeschicht - mat Ausnahm vläicht vun där vun der Aarbechterbewegung - nach kaum en Thema woren. Ech denken zum Beispill un d'Immigratiounsgeschicht oder un d'Geschicht vun Emanzipatiounsbewegunge wéi där vu Schwulen a Lesben oder vu Leit mat queerer Identitéit respektiv Liewensweisen.

Kampf géint d'Onsiichtbarkeet

Duerch déi nei Fraebewegung, déi an de Parage vu Mee '68 entstanen ass, koom fir d'éischt méi e groussen Interêt

fir d'Fraegeschicht op. Déi feministesch Analys wor, datt an der Geschichtsfuerschung, grad wéi och an anere gesellschaftleche Beräicher, d'Fraen onsichtbar wieren, an dat aus enger Rei vu Grënn, déi et och haut nach derwäert sinn, ze rappelléieren [1]:

Do wor engersäits déi historesch Situatioun vun de Fraen u sech, déi meeschtens verhénnert huet, datt si a fréieren Zäiten op politesch, wirtschaftlech oder soss gesellschaftlech relevant Poste komm sinn an iwwerhaapt konnten eng historesch bedeitsam Roll spillen. Während d'Unzuel vun deene Fraen nach bis an d'Siechzegerjore vum 20. Joerhonnert begrenzt wor, huet sech och de commun des mortelles vun de Frae bis dohi wéineg artikuliert. Et muss een zum Beispill bedenken, datt Lycéeën, an domat Bildungsméiglechkeete fir jonk Meedercher, vill méi spéit geschaafe goufe wéi déi fir Jongen. Ier datt et nom zweete Weltkrich fir Meedercher eng Normalitéit ginn ass, Lycées- an och Unis-Studien ze maachen, woren och hir Méiglechkeeten, sech an der Gesellschaft bemierkbar ze maachen, beschränkt. Dat erkennt een net nëmmen am politesche Beräich, mee och zum Beispill an der Konscht oder an der Literatur, wou et zu Lëtzebuerg eréischt Enn vum 20. Joerhonnert e grouss Sprong no vir gouf.

Zweetens, an dat ergëtt sech aus deem Gesoten, gouf et wéineg Archivquellen, an deenen d'condition féminine zum Virschäi koom. Hei ass d'Analys vum Historiker Alain Corbin vun 1984 nach ëmmer interessant: „L'histoire de la femme se construit

Ee Klassiker vun der Ausernanersetzung matt Fraegeschicht koum 1984 ënnert der Direktioun vun der Michelle Perrot eraus. Deemols scho gouf d'Fro no der Realiséierbarkeet a vum Notze vun enger spezifischer Geschichtsschreiwung gestalt.

en écho, à l'aide d'un faisceau de discours masculins; cela malgré l'effort des historiens(ennes) pour débusquer la parole féminine. La quasi-totalité des documents regroupés dans les dépôts d'archives publiques émanent d'hommes parés de responsabilités." [2] Net nëmme sinn d'Fraen historesch an den Discourse vu Männer net erwähnt ginn, mee d'Quelle goufe fréier zu allermeescht duerch Männer selektionéiert an hu sech oft u männlechen Interëten orientéiert. Hei huet sech villen verännert, net zulescht, well den archivistesche Metier sech feminiséiert huet, mee och, well d'Alldagsgeschicht, aus där d'Liewenskonditiounen vu Fraen oft erauszeliese sinn, méi wichteg ginn ass.


Drëtens awer wor och d'Geschichtsfuerschung selwer laang Zäit oninteresséiert drun, iwwer Fraen ze fuerschen. Och hei kann een d'Fro opwerfen, ob dat net weinstens zum Deel dru louch, datt et Männer waren, déi d'Choix getraff hunn, wéi eng Aspekter an der Geschicht relevant wieren. Dee verengte Bléck op déi männlech Geschicht gëtt nach bis haut dättelech, wann een sech d'Aarbechtergeschicht ukuckt. Si ass zu allermeescht eng, wou de männlechen Aarbechter am Mëttelpunkt steet. Een Argument, fir diesen Desequilibrium ze erklären, gëtt grad zu Lëtzebuerg natierlech duerch dee spezifischen Impakt vun der Stolindustrie geliwwert, deem säin héije Stelleväert am Lëtzebuerger master narrative och dozou bäigedroen huet, datt d'Geschichtsschreiwung zu deem Beräich déi vun anere Formen

vun Industrieaarbecht oft iwwerdeckt huet. An an deem joerzengtelaang dominanten Aarbechtssektor waren d'Frae schlecht vertrueden.

Mee och do, wou ee Fraen an der Stolindustrie fonnt huet, besonnesch an der Administratioun an an de Botz-Servicer, haten si apparentement fir d'Geschichtsfuerschung net dee Prestige, deen de Schmelzaarbechter an de Mineuren zoukomm ass. Sou ginn et an deem Beräich spezifesch Aspekter, déi bis haut nach wéineg erfuerscht sinn. Een interessant Beispill mat Bezug op den Éischte Weltkrich virun 100 Joer, deen am Ablack jo méi am Fokus steet, ass d'Fraenaarbecht op der Schmelz an där Zäit. Hei en Extrait aus der sozialdemokratescher Zeitung „Die Schmiede“ vun 1917: „Fräuleins und Damen gesucht für Büroarbeit. So prangt seit Wochen und Monaten ein Plakat im Portal der Differdinger Schmelz, pardon, des Differdinger ‚Werk‘. Sie sollen zum Kehren, Bürsten, Waschen Verwendung finden, das ist die eine Abteilung. Die andern müssen Maschinenschreiben erlernen haben und sollen sich bei Herrn Rechnungschef ... melden. Das ist die andere Abteilung. Von den zahlreichen Zelotenweibern, die gesetzwidrig zu Nachtarbeiten im Hochofenbetrieb als ‚rouleurs‘ in blauen Beinkleidern und Jacken, das schöne Geschlecht im Dienste des Kapitals entehren, nicht einmal zu reden.“ [3] D'Fraen hunn also déi Zäit net nëmme a Verwaltungs- a Botz-Servicer, mee och am Héichweberäich geschafft. Iwwert dëse kuerzzäitege Phenomen vun der Fraenaarbecht op der Schmelz, deen

UNE HISTOIRE DES FEMMES EST-ELLE POSSIBLE ?

sous la direction de Michelle Perrot



Rivages


nom Krich nees verschwonnen ass, gëtt et menges Wëssens bis elo ausser enger rezenter Master-Aarbecht nach keng Recherchen. Dobäi wier et dach interessant, emol ze kucken, firwat dat zu Lëtzebuerg de Fall wor, während an der Lorraine d'Fraenaarbecht op der Schmelz apparentement och spéiderhi méi courant wor. Och den Ausgrenzungs-Phenomen vun de bestuete Fraen am Verwaltungsberäich vun der Stolindustrie ass bis elo nach wéineg erfuerscht. Munnech eeler Frae kënnen sech awer nach gutt erënneren, dat si oder hir Mammen hu missen op der Hadir oder der Arbed kënnegen, wéi se sech bestuet hunn.

Gender-Geschicht an der Kris?

Zënter Enn vum 20. Joerhonnert gëtt et och zu Lëtzebuerg eng Fraegeschichtsschreiwung, oder wéi een haut éischter méi ëmfaassend seet, fir an d'Rolle vun de Geschlechter an d'Verhältnisser tëscht hinnen ze beschreiwen, gender history. Am Ufank

stoung dobäi och de Wunsch vun der Fraenemanzipatiounsbewegung am Mëttelpunkt, Frae siichtbar ze maachen. Dat huet dozou gefouert, datt Historikerinnen, a lues a lues och Historiker, versicht hunn, déi Lücken opzefüllen, déi déi klassesch Geschichtsfuerschung opstoe gelooss huet. Mam Resultat awer, datt Fraegeschicht a Sammelbänn oft ëmmer nach an engem eegene Kapitel ofgehandelt gëtt. Gesamtgeschichten, an deenen déi allgemeng Geschicht op eng gendersensibel Manéier géif duergestallt ginn, sinn nach ëmmer rar. Fréier hätten d'Feministinnen gesot, dat wier och kee Wonner, a souguer vläicht a Fro gestallt, datt esou eng Geschicht an enger patriarchalescher Welt iwwerhaapt méiglech wier. De Géigendeel ze beweisen, schéngt awer weiderhin oft net als Defi ze gellen. Dat ass keng Lëtzebuerger Spezialitéit, och fir aner europäesch Länner gëtt weiderhin eng Separatioun vun der gender history innerhalb vun der Geschichtswissenschaft festgestallt.

GESCHICHT



Och zu Lëtzebuerg gëtt et zënter dem Enn vum 20. Joerhonnert eng Fraen- an Gender-Geschichtsschreiwung.

Op där anerer Säit ass déi feministesch Geschichtsschreiwung selwer och an eng Kris geroden. Virum Hannergrond vun dekonstruktivisteschen Afrostellunge vun der Opdeelung vun der Welt an zwee Geschlechter,

besonnesch duerch Theoretikerinne wéi der Judith Butler, ass et méi schwierig ginn, Fraen als eng sozial Kategorie ze begräifen a Geschichtsschreiwung iwwer eng spezifesch sozial Situatioun ze bedreiwen, an där

Fraen als Frae géifen erlieft ginn an sech och selwer erliewen. Zugläich nieft dësen Opléisungsphänomenen vun der Kategorie Gender gëtt et awer - ënnert dem Stéchwuert „Intersektionalitéit“ - och eng Tendenz dozou, Gender als nëmmen eng vu ville méigleche Kategorien ze gesinn, déi zu der Konstruktioun vun individueller Identitéit bäidroen, opgrond vun deenen awer och oft Diskriminéierungen entstinn: sozial Schicht, Relioun, Sprooch, Alter, kierperlech Aspekter. D'Theoretikerin Birgit Rommelspacher weist drop hin, datt dës Debatte sech ëmmer méi staark an déi akademesch Welt verlagere, während se fréier tëscht ënnerschiddleche politesche Beweegungen ausgedroe goufen. [4]

Ënnert dem Stréch kann ee festhalen, datt d'Fraebewegung, ähnlech wéi d'Aarbechterbewegung, mam Problem kämpft, datt se sech op e kollektiivt Subjekt bezitt, deem seng Konturen ëmmer méi onschaarf ginn. Zugläich ginn och Muecht- an Ofhängekeetsstrukturen ëmmer méi diffus. Genee sou wéi et awer weiderhin Ausbeutung vun der Aarbechterskraaft gëtt, ass och sexistesch Diskriminéierung domat net ausgestuerwen. Et gëtt just opgrond vun deene kategoriellen Oplösungserscheinungen ëmmer méi schwierig, se als gesell-

schaftlech Realitéit ze erfassen an ze benennen. An deem Sënn ass och d'Gender-Geschicht als Geschicht vum Emanzipationskampf vun engem gesellschaftleche Groupe net zu Enn geschriwwen, se muss sech awer nei mat hirem Fuerschungsdomän ausemanersetzen.

Deen heiten Artikel gouf den Donneschdeg, 9. Mäerz an der Rubrik „D'Zäithistorikerin“ vum Radio „100komma7“ iwwerdroen.

[1] Dëse Bäitrag gräift Aspekter op aus Wagener, Renée: Das Auge des Zyklopen. Die Luxemburger Geschichtsschreibung und die weibliche Lohnarbeit im Zeitalter der Industrialisierung. In: Mutations. Mémoires et perspectives du Bassin minier, 6 (2013), 11-26.

[2] Corbin, Alain: Le ,sexe en deuil' et l'histoire des femmes au XIXe siècle, in: Perrot, Michelle (Hg.): Une histoire des femmes est-elle possible? Marseille 1984, S. 141-154, hei S. 142.

[3] Fräuleins und Damen gesucht, in: Die Schmiede, 21.04.1917, S. 4.

[4] Rommelspacher, Birgit: Intersektionalität. Über die Wechselwirkung von Machtverhältnissen. http://www.birgit-rommelspacher.de/pdfs/Intersektionalit_t.pdf.

LIESERINNENBRÉIF

Zum Interview „Parentage naturel: Couches lavables et nouveaux rituels“, das in der woxx 1413 abgedruckt war, ist uns folgende Stellungnahme zugegangen:

Schon vor 45 Jahren hat die Frauenbewegung für die Zulassung von wirksamen und unschädlichen Verhütungsmitteln gekämpft und für das Recht der Frau, selber zu entscheiden, ob sie Kinder will oder nicht. Jetzt wird wieder der natürliche Weg der Verhütung gepriesen, und die Pfaffen reiben sich die Hände! Zahlreiche unerwünschte Kinder sind trotz - oder wegen - der Knaus-Ogino-Methode (auch Kalendermethode genannt, Anm. d. Red.) zur Welt gekommen.

Mutter Natur, Einbuddeln der Plazenta, Ritualisierung der Schwangerschaft - haben wir es hier mit einer neuen Religion zu tun? Schwangerschaftsabbrüche sind mit dieser neuen Natürlichkeit nicht zu vereinbaren, das ist klar! Das Thema kommt in besagtem Interview deshalb gar nicht erst zur Sprache. Doch wer diese Art von Mütterlichkeit propagiert, der lässt mal wieder die Erzeuger außen vor und konstruiert ein Bild von Frau und Mutter, das nur die alten Rollenklischees verfestigt. Jetzt schon ziehen sie mit ihren Blagen durch die Straßen und die Supermärkte und tragen ein imaginäres Schild vor der Brust: Ich bin Mutter, Platz da!

Doch diese neue Religion ist nur eines von vielen Anzeichen eines gewaltigen Rückschritts in Sachen Gleichstellung der Geschlechter - und zwar

aller Geschlechter, nicht nur der Männer und der Frauen. Wen wundert's heute, wenn im EU-Parlament ein polnischer Abgeordneter die Frauen als minderwertig bezeichnen kann und in Russland häusliche Gewalt wieder salonfähig wird?

Die Selbstbestimmung der Frau ist untrennbar mit dem Verfügungsrecht über ihren eigenen Körper verbunden. Zu diesem gehört auch die sexuelle Selbstbestimmung und die Entscheidung darüber, wie und wann und wie viele Kinder gewollt sind. Aber erst die finanzielle Unabhängigkeit ist ein Garant dafür, dass diese theoretische Selbstbestimmung auch verwirklicht werden kann.

Die so hochgelobte „natürliche Mutterschaft“ können sich allenfalls wohlhabende Frauen leisten, die ihr Brot nicht mit ihren Händen - oder ihrem Kopf - und unter schlechten Arbeitsbedingungen verdienen müssen. Die sozialen Errungenschaften, die im letzten Jahrhundert für die arbeitenden Mütter erkämpft wurden - Schwangerschaftsurlaub, Elternzeit, Stillpausen, Anrechnung der Babyjahre in der Pensionslaufbahn - sind mit dieser Ideologie weg vom Tisch. Selbstverwirklichung durch Mütterlichkeit, zurück zur Natur, da braucht es keine soziale Absicherung. Oder aber der Lohn für Hausarbeit und ähnliches wird als Nächstes auf der Forderungsliste stehen. Diese Anliegen sind nicht die der Plattform JfF, unter deren Siegel der Artikel abgedruckt wurde!

Th. Gorza

